


浙江採集遺書總錄



採集


			五	漢
		二	二	書
		一	一	門
一	五	〇	〇	
〇	五	〇	〇	
冊	架	函	號	類

庫	文	閣	內
五	五		漢
二	二		書
〇	〇		
〇	〇		
架	冊	號	類

內閣文庫			
番號	漢	5210	
冊數	10(9)		
函號	297	73	

目錄

二



浙江採集遺書總錄

淺草文庫

壬集

別集類二 宋

河東集十五卷 寫本

右宋如京使大名柳開撰咸淳三年門人張景編序共九十六首名曰默書并附景所為行狀一首陳振孫曰本朝為古文自開始然其體艱澁為人忼慨喜功名急義史亦稱其傲狠強復云

徐公文集三十卷 陳氏解題作 寫本 徐常侍集

右宋左散騎常侍廣陵徐鉉撰其二十卷仕於江

南所作餘十卷歸朝後所作也淳化四年彭年序
畧云禁林判詔表章多不畱草其餘存者子壻尚
書水部員外郎吳君淑編爲十卷通成三十卷所
撰質論稽神錄奉詔撰江南錄修許慎說文並別
爲一家不列於此又天禧元年胡克順表進稱六
十卷與此卷表相懸或合所撰各書爲之也

田表聖奏議一冊 寫本

右宋工部尚書洪雅田錫撰所著有咸平集此特
其奏議也

畜集三十卷 寫本

右宋翰林學士鉅野王禹偁撰禹偁將名其集以
周易筮之遇乾三三之小畜三三乾之象曰君子
以自強不息是修辭立誠守道行己之義也小畜
之象曰君子以懿文德是位不能行道文可以飾
身也咸平三年自叙云

寇忠愍公詩集三卷 刊本

右宋尚書右僕射下邳寇準撰乃近時依宋本校
刊者前有贈諡誥一道及孫抃奉勅撰碑又宋范
雍王次翁辛敬三序

武夷新集二十卷 刊本

右宋贈禮部尚書浦城楊億撰億初入翰苑當景德丙午明年條次十年新集而序之其畧云山林之士不忘維桑之情雕篆之文竊懷敝帚之愛命題之意良在是也

春卿遺藁一卷 刊本

右宋禮部尚書宜興蔣堂撰堂舊有吳門集二十卷不傳今本爲裔孫璜於天啓間掇拾二十餘篇刊之

穆叅軍集三卷 寫本

右宋潁州文學叅軍汝陽穆脩撰慶歷三年祖無

擇序云公之歿無擇求遺文於嗣子熙得詩五十六書序記誌祭文總二十與無擇所藏增多詩一十二書序各一又從其舊友而求之往往知愛而不知傳故無獲焉姑類次是以爲三卷題曰河南穆公集按今所傳抄本無是序見洛陽九老祖龍學文集中特取以冠此

林和靖詩集四卷省心錄一卷 刊本

右宋錢塘林逋撰晁志作二卷陳振孫解題作集三卷西湖紀逸一卷今本未詳誰人所編

鉅鹿東觀集七卷 舊影寫本

右宋贈秘書省著作郎蜀魏野撰天聖元年薛田序云漢書班固引著作局爲東觀因取諸贈典命之曰鉅鹿東觀集

尹河南集二十七卷附錄一卷

晁志作二十卷筋求記作二十七卷

寫本

右宋右司諫河南尹洙撰高平范仲淹撰序又淳熙庚戌尤袤跋云師魯集承旨姚公手錄者予往嘗刻師魯文百篇于會稽行臺今乃得閱其全甚慰復梓行之今本卽影抄此者

武溪集二十卷 刊本

右宋工部尙書集賢院學士贈尙書左僕射累贈少師韶州余靖撰屯田郎中騎都尉周源序稱此集乃公子屯田員外郎仲荀所編今本係明成化九年刊有邱濬蘓韓二序後附歐陽公作神道碑及紹興丁巳隸川韓璜跋

樂全集四十卷 寫本

右宋太子少師贈司空宋城張方平撰陳氏書錄又有玉堂集二十卷今未見

安陽集五十卷 刊本

右宋贈尙書令魏忠獻王安陽韓琦撰趙希弁曰

王安陽人故以名集

包孝肅奏議十卷 刊本

右宋樞密副使合肥包拯撰晁志卷表同

清獻公集十卷 刊本

右宋資政殿大學士西安趙抃撰抃以清德服一世平生蓄雷氏琴一張鶴與白龜各一所向與之俱後過泗州前已放鶴至是復以龜投淮中故其詩有馬尋舊路知歸處龜送長淮不再來自紀其實也

文潞公集四十卷 刊本

右宋叅政介休文彥博撰明嘉靖五年呂柟序

孫明復小集一卷附錄一卷 知不足齋寫本

右宋國子監直講平陽孫復撰復居泰山深於春秋自石介以下皆師事之慶歷中范文正富鄭公嘗薦之晁志作睢陽小集十卷則闕逸者多矣

徂徠集二十卷 刊本

右宋直集賢院奉符石介撰陳振孫曰集中有南京夏尚書啓及夫子廟上梁文皆爲夏竦作此介所謂大奸之去如距斯脫者也今本乃國朝康熙間知泰州燕山石鍵秉仁序刊

蔡忠惠公集三十六卷別記十卷 刊本

右宋端明殿學士莆田蔡襄撰晁志作十七卷謂襄文章清邁粹美工書為本朝第一殘章斷稿得者珍藏之

蘇學士文集十六卷 陳氏書錄 刊本 作十五卷

右宋湖州長史開封蘇舜欽撰舜欽易簡之孫杜祁公衍之壻坐進奏院用公錢會客為王拱辰輩所擠坐廢買園蘇州為滄浪亭竹水之勝冠于吳下故又名滄浪集

王荊公詩箋注五十卷 刊本

右宋荊國公臨川王安石撰資政殿學士丹陵李璧注璧文簡公燾之子謫居臨川時所為也晁志卷表同今本為近時仿元刊者

蘇詩補注五十卷 刊本

右宋蘇軾詩集舊有王十朋施宿二家注而施稱善海寧查慎行以其尚有訛漏更博采而補注之并取諸家倡酬之作悉附焉讀蘇詩者無剩義矣又慎行云施氏本多殘闕近從吳中借鈔每首視新刻或多一二行乃知新刻復經增刪今輒補錄以仍其舊漫不可辨者則缺之新刻者謂宋氏學



所刻本也

蘇魏公文集七十二卷 寫本

右宋太子太保丹陽蘇頌撰陳振孫曰紳之子也紳在兩禁人稱其險詖而頌器局閎厚未嘗與人校短長其爲相在元祐末大臣奏事多稟宣仁獨頌必再以白哲廟其後免于遷謫蓋上以爲識君臣之禮也有紹興九年汪藻序

伐檀集二卷 刊本

右宋進士知康州分寧黃庶撰自爲序庭堅其子也陳振孫曰世所傳山鬼水怪著薜荔之詩集中

多此體庭堅詩律蓋有自來也

古靈先生文集二十五卷 宋槧本

右宋尙書右司郎中累贈少師福唐陳襄撰生于福州之古靈後鄉人號古靈先生紹興三十一年孫右朝請大夫直秘閣知贛州軍事輝題云四世從祖密學公文二十五卷里人大夫徐君世昌嘗募刻于家而其間頗有舛譌竊有志于校正因仍未遑竭耒章貢屬僚士叅校因命仲子推次年譜併錢諸木

公是集三冊 晁志作七卷 寫本

浙江採集遺書總錄 王集

右宋翰林學士新喻劉敞撰號公是先生晁公武謂其爲文章尤敏瞻好摹倣古語句度在西掖時嘗食頃揮九制各得其體

南陽集三十卷 寫本

右宋太子少保靈壽韓維撰封南陽郡公故以名集有鮮于綽行狀沈晦跋語附後

三沈文集八卷 刊本

右宋翰林學士錢塘沈邁光祿少卿沈括轉運使沈遼合集邁字文通吏事精明強敏爲杭州開封府皆有能名括于文通爲叔而年少于邁世傳文

通常稱括叔今四朝史本傳以爲徒弟者非也遼爲邁弟以兄任爲京官坐法流貶事見揮塵錄今其序如此蓋未之考也

祖無學文集十六卷 寫本

右宋龍圖閣學士上蔡祖無擇撰署洛陽九老祖龍學錢曾曰集十卷附名臣賢士往來詩文二卷系家集又四卷其曾孫衍編次成帙并著龍學始末于卷末

李旰江集三十七卷外集二卷 刊本

右宋太學說書權同勾管太學南城李觀撰門人

陳次公墓誌云先生其實如秋其受如海外示發
舒中以直正又嘉祐三年詔云爾醇明茂美通于
經術東南士人推以為冠弟子著錄千餘人今集
後有門人錄一卷紀有三十八人之本末大畧附
焉

宛陵集六十卷 刊本

右宋都官員外郎國子監直講宣城梅堯臣撰凡
五十九卷為詩他文賦纔一卷謝景和所集歐陽
公為之序

馮安岳詩五卷 寫本

右宋祠部郎中普州馮山撰初名獻能所著安岳
集今存者惟詩而已

樂圃餘稿十卷 刊本

右宋蘇州教授吳郡朱長文撰有紹興甲寅姪孫
足序今本乃 國朝康熙間鐫者

無為集十五卷 寫本

右宋提點刑獄無為軍楊傑撰號無為子有紹興
癸亥右朝請大夫知無為軍趙影序蓋即其所編
者

擊壤集二十卷 刊本

右宋河南邵雍撰晁志卷表同有治平丙午自序
元祐六年門人邢恕後序其書為明畢亨校刊
三孔清江集三十卷 知不足齋寫本

右宋中書舍人新喻孔文仲禮部侍郎孔武仲金
部郎中孔平仲合集皆先聖四十八世孫也嘉祐
治平間連三科兄弟以次登第其著述多散佚弗
傳周必大序云慶元四年太守濡須王邁寔來政
修教明瞻喬木而慕先賢既奠謁其像于學宮又
博訪遺文而刊之茲本即影抄此也

范太史文集五十五卷 寫本

右宋翰林學士華陽范祖禹撰鎮之從孫也

鄱陽集十二卷 寫本

右宋權吏部尚書鄱陽彭汝礪撰汝礪以附會劉
摯出知江州故有鄱陽集

西塘集十卷 晁志作二十卷 刊本

右宋光州司法參軍福清鄭俠撰俠坐上書詆王
安石呂惠卿謫官其風節足稱也入元祐黨籍自

號一拂居士

曾文昭公集四卷 刊本

右宋翰林學士南豐曾肇撰布弟也入黨籍有曲

阜集西掖集

邕州小集一卷 寫本

右宋康州團鍊使祁陽陶弼撰曾歷官知邕州故以名集

廣陵文集二十卷 寫本

右宋廣陵王令撰字逢原王安石愛其才因妻以吳夫人女弟年二十八卒

丹淵集四十卷 刊本

右宋湖州守梓潼文同撰晁志卷表同謂其進士高第以文學名韻操高潔畫筆尤妙

慶湖遺老集九卷拾遺一卷

知不足齋寫本

右宋泗州通判衛州賀鑄撰有丙子十月庚戌江夏寶泉監阿堵齋自序畧云鑄生始七齡蒙先子專授五七言聲律迄元祐戊辰凡著之稿者何啻五六十篇即投諸煬竈年髮過壯志氣日衰計後日所賦益寡而未必工于前始哀拾其餘而繕寫之北山程俱撰墓誌并詩序附

張右史文集六十卷

舊影寫本

右宋太常少卿淮陰張耒撰晁志作一百卷謂元祐中蘇氏兄弟以文倡天下號長公少公文潛少

公之客也諸人多早沒文潛獨後亡故詩文傳于世者尤多

青山集三十卷 寫本

右宋知端州府當塗郭祥正撰陳振孫曰李端叔晚寓其鄉祥正與之爭名未嘗同堂語至為俚語以譏誚之則其為人不足道也

龜山集四十二卷 寫本

右宋工部侍郎將樂楊時撰時游二程之門學者稱龜山先生

元城盡言錄十三卷 刊本

右宋待制元城劉安世撰有淳熙五年梁安世跋龍雲集三十二卷 知不足齋影寫本

右宋著作佐郎安福劉夙撰周必大序云廬陵自歐陽文忠公以文章續韓文公正傳繼之者龍雲劉公也先是汴京及麻沙刻公集二十五卷紹興初余故人會昌尉羅長弼編求別本手自編纂至三十二卷凡六百三十餘篇

演山文集六十卷 寫本

右宋禮部尚書南平黃裳撰陳氏書錄卷袁同自為序又前左朝散郎權知溫州莆田王悅序

景迂生集二十卷

小山堂藏寫本

右宋中書舍人鉅野晁說之撰晁志陳錄卷表同說之少慕司馬溫公之為人故自號景迂生

鷄肋集七十卷

刊本

右宋著作郎鉅野晁補之撰晁志卷表同謂其在杭州作文曰七述叙杭州之山川人物之盛麗時蘇子瞻倅杭州亦欲有所賦見其所作歎曰吾可
以閣筆矣

姑溪集五十卷後集二十卷

棟亭曹氏寫本

右宋樞密院編修李之儀撰之儀嘗代范忠宣作

遺表為世傳誦然坐是得罪編置當塗遂居焉因
以名集

何博士僂論一卷

寫本

右宋武學博士何去非撰明歸有光題云博士備論二十八篇今缺二篇而符堅論頗有脫悞又編寫失次未得善本校之宋世士大夫憤于功之不競而喜論兵如此熙寧間徐僖蕭注熊本沈起之徒用之而輒敗天子尋以為悔元符政和開邊之議復起馴致國亡嗚呼兵豈易言哉

宗忠簡公集六卷

刊本

右宋東京留守義烏宗澤擇今本爲明嘉靖間重刊後備錄本傳等篇文徵明爲之序

紹陶錄二卷 寫本

右宋編修鄆州王質撰上卷刊栗里華陽二譜取二陶集傳中如南村斜川勾屈山積金澗諸地琴觴中拂諸物各撰其詞下卷書唐濟民鹿伯可二事及山友詞水友詞皆禽言也又山友續詞則係食品

山谷文集三十卷別集二十卷外集十四卷年譜三十卷詞一卷 刊本

右宋知太平州分寧黃庭堅撰晁志止豫章集三十卷外集十四卷此增多別集年譜詞三種時秦少游晁無咎張文潛皆以文學游蘇氏之門至是同入館世號四學士而魯直之詩尤奇世又謂之蘇黃呂居仁作江西詩社宗派圖其畧云古文衰于漢末先秦古書存者爲學士大夫剽竊之資五言之妙與三百篇離騷爭烈可也自李杜之出後莫能及韓柳孟郊張籍諸人自出機杼別成一家元和之末無足論者衰至唐末極矣然樂府長短句有一唱三歎之致國朝文物大備穆伯長尹師

魯始爲古文盛于歐陽氏歌詩至于豫章始大出而力振之後學者同作並和盡發千古之秘亡餘蘊矣錄其名字曰江西宗派其源流皆出豫章也宗派之祖曰山谷其次陳師道無已潘大臨邠老謝逸無逸洪朋龜父洪芻駒父饒節德操乃如璧也祖可正平徐俯師川林敏修子仁洪炎玉父汪革信民李錚希聲韓駒子蒼李彭商老晁冲之叔用江端友子我楊符信祖謝邁幼槃夏倪均父林敏功潘大觀王直方立之善權異中高荷子勉凡二十五人

精華錄八卷 寫本

右前人撰有天社任淵序

后山集二十四卷 刊本

右宋秘書省正字彭城陳師道撰陳振孫曰江西宗派之說出于呂本中前輩固有議其不然者矣后山雖曰見豫章之詩盡棄其學焉然其造詣平正直趨自然實豫章之所缺也

謝幼槃集十卷 寫本

右宋臨川謝邁撰朱彝尊跋云書錄解題兩載竹友集一曰十卷一曰七卷蓋七卷者詩而十卷者

合文言之也是集流傳甚罕謝布政在杭抄之內
府在杭收藏宋人集頗富近多散失惟此係其手
書裝界成冊平湖陸編修次友典福建試抄得之
余見而令楷書生亟錄其副詩派遺集傳者無幾
余所儲陳無已饒德操洪玉父韓子蒼晁叔用呂
居仁僅六家得此而七焉按七家今俱著于錄

西渡集二卷 寫本

右宋秘書少監南昌洪炎撰補遺四首附洪朋詩
九首洪芻詩二十四首雜文二首朋舉郡試第一
芻第進士靖康中爲諫議大夫汴京失守以誣陷

坐貶沙門劉後村云三洪與徐師川皆豫章之甥
龜父警句往往前人所未道然早卒惜不多見駒
父詩尤工初與龜父游梅仙觀龜父有詩卒章云
願爲龍鱗嬰勿學蟬骨蛻是以直節期乃弟矣駒
父後居上坡晚節不終不特有愧于舅氏亦有愧
于長君玉父南渡後爲少蓬聞師川名有懷駒父
詩云欣逢白鶴歸華表更想黃熊出羽淵然師川
卒不能返駒父于鯨波之外玉父愛兄之道至矣
余讀而悲之

陵陽集四卷 寫本

右宋中書舍人權直學士院仙井韓駒撰晁志作
韓子蒼集三卷謂王甫嘗命子蒼咏其家藏太一
真人圖詩盛傳一時宣和廷臣獨以能詩稱劉後
村云子蒼蜀人學出蘇氏與豫章不相接呂公強
之入派子蒼殊不樂其詩有磨淬翦截之功終身
改竄不已有已寫寄人數年而追取更易一兩字
者故所作少而善今本署江西詩派

倚松老人集二卷 寫本

右宋撫州饒節撰晁公武曰曾布之客也性剛峻
晚與布論不合因弃去祝髮爲浮屠在襄漢間聲

望甚重今本亦署江西詩派慶元己未校官黃汝

嘉重刊

具茨集一卷 刊本

右宋承務郎濟北晁冲之撰紹興十一年陵陽俞

汝礪序

東萊詩集二十卷 寫本

右宋中書舍人壽州呂本中撰乾道二年贛川曾
幾題畧云儀真沈公宗師名卿之子方黨禁未解
時專與元祐故家厚往來酬唱最多子公雅亦與
公游乾道初元幾就養吳郡與公雅哀集公詩無

遺者次第歲月爲二十通錢板置之郡舍

寶晉英光集八卷 知不足齋寫本

右宋禮部員外郎吳郡米芾撰紹定壬辰鄂國岳珂序又張丑記云吳文定公原博故物也萬曆丁丑中秋十日獲于公之孫所校讎之次摘錄孫劉二公四詩于後以志梗槩

石林建康集八卷 知不足齋寫本

右宋知建康府吳縣葉夢得撰皆帥建康時詩文夢得以崇慶節度使致仕其居在下山奇石森列藏書數萬卷故名陳振孫謂石林二字本出楚詞

天問

劉左史集四卷 寫本

右宋承議郎權發遣宣州軍管勾學事永嘉劉安節撰有留元剛序并許景衡墓誌附

劉給事集五卷 寫本

右宋給事中永嘉劉安上撰安節從弟也朱彝尊跋云曩從劉考功公猷借鈔二劉長史合集元禮止得半部而已康熙壬子福州林孝廉吉人抄此本見寄乃得其全

眉山文集十四卷詩集十卷 刊本

右宋進士丹徒唐庚撰晁志作唐子西集十卷或
止詩耳今本爲近時歸安汪亮采校刊

高峯集四卷 寫本

右宋徽猷閣直學士順昌廖剛撰

浮溪文粹十五卷附錄一卷 刊本

右宋學士德興汪藻撰晁志有浮溪龍溪二本皆
六十卷謂藻工于儷語所爲制詞人多傳誦今本
乃嘉靖庚寅黃訓序

南蘭陵孫尚書大全文集七十卷 寫本

右宋戶部尚書蘭陵孫覿撰晁志作五十七卷謂

覿常以靖康間文字得罪廢徙久之蓋其平生出
處不足道也嘗提舉鴻慶宮故又名鴻慶集

內簡尺牘十卷拾遺一卷 刊本

右前人撰

竹溪文集二十四卷 寫本

右宋戶部侍郎連江李彌遜撰嘉定四年四明樓

鑰序

梁溪文集一百八十卷 知不足齋寫本

右宋觀文殿學士邵武李綱撰淳熙十年觀文殿
大學士陳俊卿序梁溪名集者梁溪在錫山以綱

嘗廬墓于此

簡齋集十五卷

寫本

右宋參知政事洛陽陳與義撰劉後村云元祐後詩人迭起一種則波瀾富而句律疎一種則煅煉精而情性遠要之不出蘇黃二體而已及簡齋出始以老杜爲師墨梅之類尚是少作建炎以後避地湖嶠行路萬里詩亦奇壯

潘默成公集八卷

刊本

右宋中書舍人金華潘良貴撰淳熙丙午朱子序云公自少至老出入三朝前後在官不過八百六

十餘日公之清明直諒確然無愆可謂剛毅而近仁者有默成居士集十五卷則今本末爲全書

龜溪集十二卷

刊本

右宋知樞密院吳興沈與求撰陳氏書錄卷衷同謂建炎紹興之間歷三院翰苑以至執政嘗奏言王安石之罪大者在于取楊雄馮道時學者唯知有安石喪亂之際甘心從僞無仗節死義之風寔由安石倡之今本爲明萬歷庚子裔孫子本序刊

廬溪集五十卷

小山堂藏寫本

右宋直敷文閣安福王庭珪撰署曰吉州東岡劉

宅梅溪書院善本

陳文正公集十三卷 刊本

右宋丞相弋陽陳康伯撰前有乾道二年朱子序稱新安門人原集三十卷今本止第一卷掇拾表奏遺文數篇以後俱係附錄勅書譜系并自宋迄明諸家紀述題跋之作而已

韋齋集十五卷 刊本

右宋吏部員外郎婺源朱松撰朱子之父也陳氏書錄作十二卷今增多三卷

玉瀾集一卷 刊本

右宋婺源朱棨撰韋齋之弟朱子之叔父也嘗夢爲玉瀾之游甚異有詩紀之因以名集

尹和靖集十卷 刊本

右宋徽猷閣待制洛陽尹焞撰子漸之孫從伊川學舉進士策問欲誅元祐黨籍不對而出靖康中賜號和靖處士

傅忠肅集三卷 寫本

右宋徽猷閣待制濟源傅察撰堯俞從孫也周必大爲之序

北山小集四十卷 知不足齋藏影宋槧寫本

右宋左朝請大夫徽猷閣待制開化程俱撰有石林葉夢得中吳門人鄭作肅二序吳之振識云此冊昔年爲季滄葦侍御所贈侍御從絳雲樓宋棗本影寫者

北山律式二卷 寫本

右前人撰此石林葉夢得專選致道近體詩也顏曰北山律式以授門人鄭晦者

茗溪集五十五卷 寫本

右宋待制歸安劉一止撰曹廷棟曰一止爲人冲澹寡欲博學無不通爲文不事纖刻制詔坦明有

體嘗草顏魯公孫持命官制甚偉高宗嘆賞爲手書之

松隱文集三十卷 知不足齋寫本

右宋太尉陽翟曹勛撰紹興中僑居天台以韋太后北還迎鑾功官至昭信軍節度使嘗使金好事者戲作小詞其後闕曰單于若問君家世說與教知便是紅窻迴底兒胡勛父元寵昔以此曲著名也

王著作集八卷 寫本

右宋右廸功郎秘書省正字平江王蘋撰蘋先爲

福清人厥考始徙居吳從學程門時尙經義廢春秋守所學不就科舉守臣疏先生學行初授官福清邑庠舊有先生文後以福清墨本刊于吳學末卷係震澤紀善錄宋宮教所錄乾道八年周憲曾逮二跋并淳熙二年施溫舒跋
豫章文集十七卷 刊本

右宋主簿羅源羅從彥撰從龜山遊學者稱豫章先生

盡忠錄八卷補錄二卷 刊本

右宋朝奉郎秘閣修撰丹陽陳東撰東于欽宗時

率其徒伏闕上書論蔡京王黼等誤國奸狀又上書請留李綱高宗卽位召至行在上書乞罷黃潛善汪伯彥會布衣歐陽澈亦上書言事潛善遽以語激怒高宗與澈同死于市此盡忠錄所由名

歐陽修撰集七卷 刊本

右宋贈秘閣修撰崇仁歐陽澈撰陳振孫曰澈死時年三十一環溪吳沆哀其詩爲飄然集三卷而會稽胡行晉遠取其所上三書併刻之臨川倅廨今本乃增多四卷

武穆王集五卷 刊本

右宋少保湯陰岳飛撰陳氏書錄作十卷謂飛功業偉矣不必以集著也世傳所誦其賀和議成一表當亦是幕客所爲而意則出于岳也

胡澹菴文集六卷 寫本

右宋資政殿學士廬陵胡銓撰銓嘗抗疏詆和議累謫吉陽軍所作詩文骯髒有氣格陳氏書錄作七十卷今止六卷

雪溪集五卷 寫本

右宋樞密院編修官汝陰王銍撰銍自號汝陰老民南渡後家剡溪故名

北山文集三十卷 刊本

右宋宣撫使金華鄭剛中撰陳氏書錄卷袞同謂其受知秦相後忤意貶死封州

東溪集二卷 寫本

右宋迪功郎漳浦高登撰考試潮州策問忤秦相謫死陳氏書錄有三十二卷今本乃林希元茂貞編黃直以方校正惜多訛缺

別集類三 宋

汪文定公集十四卷 寫本

右宋學士玉山汪應辰撰應辰天才甚高而不喜

爲文謂不宜弊精神于無用然每作輒過人所撰
制詔溫雅典寔得王言體朱晦翁稱爲近世第一
夏復序云全集五十卷茲僅十二卷學士篁墩程
公摘抄自閣本者合附共十四卷

默堂集二十二卷 寫本

右宋宗正少卿沙縣陳淵撰一字幾叟了翁之姪
孫其爲門人沈度編淳熙戊戌楊萬里序

夾漈遺稿三卷 知不足齋寫本

右宋樞密院編修官莆田鄭樵撰居夾漈山中自
稱溪西逸民此其遺稿

知稼翁集十一卷詞一卷 刊本

右宋左朝散郎尚書考功員外郎莆田黃公度撰
莆陽陳俊卿序公度與俊卿戊子同年進士也又
慶元二年煥章閣學士洪邁序

歸愚集十卷 知不足齋寫本

右宋吏部侍郎丹陽葛立方撰勝仲之子丞相邨
之父也陳氏書錄作二十卷

盤州文集八十卷 知不足齋影宋槧寫本

右宋通奉大夫尚書右僕射兼樞密使鄱陽洪适
撰趙希弁附志卷袞同謂紹興十二年與文安公

遵同中博學宏詞科除勅令所刪定官後三年文
敏公邁亦中選由是洪氏文名滿天下

胡五峯集五卷 寫本

右宋承務郎崇安胡宏撰淳熙三年門人張拭序

李延平集五卷 刊本

右宋延平李侗撰門人朱子編定

蘆川歸來集六卷 知不足齋寫本

右宋長樂張元幹撰嘉定己卯孫通直郎欽臣跋

太倉稊米集七十卷 舊影寫本

右宋編修右司宣城周紫芝撰自謂取山谷告甥

之語以名集乾道丁亥左朝散郎陳天麟序云作
詩先嚴格律然後及句法余得此語于張文潛李
端叔故以告子竹坡于書無所不讀其詩清麗典
雅雖梅聖俞當避路在山谷後山派中亦為小宗
矣竹坡紫芝自號也

范香溪文集二十二卷 刊本

右宋賢良蘭溪范浚撰以秦檜當國不起學者稱

香溪先生

屏山集二十卷 刊本

右宋興化軍通判崇安劉子翬撰朱子其門人也

陳氏書錄卷奏同

鄧峯漫錄五十卷 天一閣藏寫本

右宋太師鄞縣史浩撰門人周鑄編次末附童卯
須知陳氏書錄作鄧峯真隱漫錄

嵩山文集五十四卷 知不足齋寫本

右宋鉅野晁公邁撰乾道四年門生宣教郎師璿
序

雙溪集十五卷 寫本

右宋監丞婺州蘇籀撰轍之子暹之孫南渡後居
婺州

周益公集二百卷 知不足齋寫本

右宋少傅廬陵周必大撰分省齋文稿四十卷平
園續稿四十卷省齋別稿十卷詞科舊稿三卷掖
垣類稿七卷玉堂類稿二十卷政府應制稿一卷
歷官表奏十二卷奏議十二卷奉詔錄七卷承明
錄十卷辛巳親征錄一卷壬子龍飛錄一卷癸未
日記一卷閒居錄一卷丁亥游止錄三卷庚寅奏
事錄一卷壬辰南歸錄一卷思陵錄二卷玉堂雜
記三卷二老堂詩話二卷二老堂雜誌五卷玉藻
辨證一卷樂府一卷書稿十五卷附錄五卷年譜

一卷開禧丙寅嗣子綸編山陰陸游序

于湖集八卷 晁志作于湖居士集四十卷 寫本

右宋學士烏江張孝祥撰孝祥甲戌冠多士思陵親擢不五年登法從阜陵尤眷之不幸不得年上常有用不盡之嘆其文翰超逸天才也吳門錢禧序云友人張文伯梓二張集二張集者唐文昌先生籍為司業宋于湖先生孝祥為學士並和州人此即文伯合刻之一

石湖集三十四卷 刊本

右宋參政吳郡范成大撰石湖在太湖之濱姑蘇

臺之下去城十餘里面湖為堂匾石湖二字阜陵

宸翰也今本為近時吳郡顧氏刊

誠齋集一百三十三卷 知不足齋寫本

右宋煥文閣學士吉水楊萬里撰卷末雍正八年東昌宋賓王記云經籍志楊誠齋集一百三十三卷閣公贈誥有文規堯姒一百三十卷之多詩到陰何積四千二百首之富則此為集之全向無目浦先生初之浦名星纏

王忠文公集五十卷 刊本

右宋龍圖閣學士樂清王十朋撰劉珙序云公平

居無所嗜好顧善爲詩渾厚質直懇惻條暢如其
爲人今集不止詩因此可以知其文之槩焉

拙齋文集二十卷 倦圃藏寫本

右宋朝奉郎侯官林之奇撰首有紀聞二卷條論
經義并所聞于其前哲者按之奇學于呂本中而
太史祖謙學于之奇之奇登第當紹興辛未年已
四十未幾卽入館方鄉用而得末疾

縉雲集四卷 寫本

右宋奉禮郎巴縣馮時行撰時行嘗以斥和議坐
廢

呂東萊集十五卷別集十六卷外集五卷附錄三卷

刊本

右宋直秘閣著作郎國史院編修金華呂祖謙撰
祖謙尚書右丞好問之孫倉部郎大器之子上世
文靖公夷簡居壽州至右丞從駕南渡始居金華
謂之東萊者本其世父本中嘗號東萊因亦取以
爲號

攻媿集一百二十卷 寫本

右宋叅知政事鄞縣樓楡撰陳氏書錄卷表同

艾軒文集十卷 晉江黃氏藏刊本

右宋集英殿修撰知婺州提舉興國宮莆田林光朝撰正德辛巳族孫見素俊序

義豐集一卷 寫本

右宋撫州守德安王阮撰有淳祐癸卯吳愈叙又近人晉安黃瓚識云此集癸卯先嚴借抄于東莊想東莊所藏亦非全集據吳序云南鄉先生所爲文無一字無來歷則有文明矣又云省闈之策辭嚴而義偉策亦不見怨詩亦不止此

羅鄂州詩文集五卷 寫本

右宋知鄂州歙縣羅顧撰汝楫子乾道中以守鄂

州故名

蠹齋銘刀編三十二卷 知不足齋寫本

右宋真州教授濟南周孚撰淳熙己亥京口陳琪序云公旣歿之二年平陽解君伯時得公遺文古賦古律詩表牋啓書序記疏青詞贊碑銘共三十卷按今本增多二卷

緣督集十二卷 刊本

右宋朝散大夫樂安曾丰撰爲叅知政事門人真德秀奏行

象山文集二十八卷外集四卷語錄四卷 刊本

右宋著作丞金谿陸九淵撰晁志卷表同此多外
集耳嘗作書院于象山之上以待講學之士因以
自號

陳止齋文集五十二卷 刊本

右宋寶謨閣待制瑞安陳傅良撰分各體詩文五
十一卷附錄碑志并補遺合一卷近時海昌陳世
修校刊

止齋論祖五卷 刊本

右前人撰分四書諸子通鑑君臣時務五門
永嘉八面鋒十三卷 刊本

右書不署名題曰永嘉先生時有兩永嘉其論說
多陳傅良平口之言知爲傅良撰也

雲莊文集二十卷 山陰祁氏澹生堂藏寫本

右宋尚書建陽劉燾撰天順三年十世孫歸善典
史梗編次

王雙溪集十二卷 刊本

右宋金紫光祿大夫知湖州婺源王炎撰字晦叔
嘗與朱子講易于東山九曲亭甚相契合有延祐
丙辰胡炳文序

杜清獻公集十卷 知不足齋寫本

右宋右丞相黃巖杜範撰卷首列史館檢校黃震
戊辰修史稿中丞相杜範傳一篇今本爲崇正間
刊

江湖長翁集四十卷 刊本

右宋淮浙安撫使叅議高郵陳造撰晚號江湖長
翁故以名

水心集二十九卷 刊本

右宋江淮制置使永嘉葉適撰晁志作二十卷謂
門人趙汝鐸序刊水心其自號也今本有正統戊
辰黎諒識語

竹齋詩集四卷 刊本

右宋大理司直新建裘萬頃撰止古今各體詩附
錄勅表志傳等文于後朱彝尊爲序

竹洲文集十卷 刊本

右宋安撫使新安吳儆撰內附棣華雜著又附錄
一卷嘉熙改元外曾孫壻古鄆陳埴序畧云想慕
乾淳人物每形之夢寐新安二吳公名亦傳播海
寓乃今取竹洲翁文觀之崖峭軒特如怒蛟出水
濤勢震潞南軒贈言龍川序引洵乎其不誣矣

南軒集四十四卷 刊本

右宋安撫使廣漢張栻撰爲翠巖劉氏慎思齋刊
梅山續稿十八卷 寫本

右宋浙東馬步軍副總管慶遠軍節度使麗水姜
特立撰特立靖康中以父綬死難補官有梅山稿
續稿今止續稿

漫塘文集三十六卷 刊本

右宋將作少監直敷文閣金壇劉宰撰自號漫塘
逸叟故以名

龍川文集三十卷 刊本

右宋僉判永康陳亮撰陳振孫曰亮少入太學嘗

三上孝廟書名詣政事堂宰相無宏度迨報罷後
以免舉爲癸丑進士第一未祿而卒所上書論本
朝治體本末源流一時諸賢未之及也才甚高而
學駁其與朱晦翁往返書所謂金銀銅鐵混爲一
器者可見矣葉正則未遇時亮獨識之後爲集序
及跋皆含譏誚識者以爲議

崔清獻公言行錄內外集共四卷 刊本

右宋叅知政事右丞相增城崔與之撰與之又有
菊坡集

洛水集二十六卷 刊本

右宋禮部尚書翰林學士休寧程秘撰秘先世本
洛州自號洛水遺民

龍洲集十五卷 刊本

右宋太和劉過撰過嘗伏闕上書請光宗過官復
以書抵時宰陳恢復方畧不報放浪湖海間

網川月漁集八卷 寫本

右宋廸功郎福清林亦之撰其書為朱氏竹垞所
收藏者有潛采堂印

鶴山集一百三卷 刊本

右宋安撫使邛州魏了翁撰淳熙己酉吳淵序今

本為嘉靖辛亥吳鳳王葵校刊于邛州官舍者

默齋遺稿一卷 寫本

右宋充荆鄂宣武叅謀官建陽游九言撰嘗之子
也

高菊磻集一冊 刊本

右宋餘姚高翥撰後附高鵬飛高邁高邁高似孫
諸家詩

履齋遺集四卷 刊本

右宋特進左丞相寧國吳潛撰字毅夫淵弟也以
沈炎論劾謫官

安晚堂集十二卷 寫本

右宋左丞相鄞縣鄭清之撰內一卷至五卷原佚
不傳卷末注臨安府棚北大街睦親坊南陳解元
宅書籍舖刊行

徐清正公集六卷 小山堂藏寫本

右宋禮部侍郎豐城徐鹿卿撰字德夫諡清正有
泉谷存稿

徐文惠公集五卷 小山堂藏寫本

右宋翰林學士知制誥豐城徐經孫撰以忤賈似
道罷歸閑居十年有矩山存稿以上二書疑後人

重編

松垣集十一卷 寫本

右宋通議大夫高安幸元龍撰首署古筠洪城幸
清節公其裔孫鳴鶴為之編釋

友林乙稿一卷 刊本

右宋閣門宣贊舍人鄞縣史彌寧撰晁志作二卷
今本有名域者原序不著姓乃近時仿宋槧摹刻
者

方壺集四卷 刊本

右宋休寧汪莘撰字叔耕嘉定中以布衣應詔上

封事不果用

流塘集三卷 寫本

右宋學錄休寧詹初撰字子元與汪莘善

黃勉齋集四十卷 寫本

右宋知安慶府閩縣黃幹撰幹受業朱子之門以子妻之者

北溪集五十卷 元刊本

右宋安溪簿龍溪陳淳撰至元漳州教授王環翁序云淳祐戊申郡倅薛季良錢梓龍江書院歲久佚壞乙亥冬幕賓本齋高公勅謀委學錄黃元淵

之三山墨莊重刊焉

方鐵菴集三十七卷 寫本

右宋寶謨閣直學士方大中撰族孫良永良里校編

願菴集二卷 寫本

右宋慈谿劉應時撰字良佐

方是閒居士小稿二卷 寫本

右宋崇安劉學箕撰字習之屏山先生子聲之孫七者翁珣之子也劉叔通云居士詩摩香山之壘詞拍稼軒之肩嘉定戊寅錫開封趙必愿序

芳蘭軒集一卷 寫本

右宋永嘉徐照撰字靈暉號山民四靈之一葉水
心誌墓云山民有詩數百琢思尤奇皆蘇絕倏起
冰懸雪跨使讀者變蹕憍慄肯首吟嘆不能自己
然無異語皆人所知也人不能道耳

二薇亭集一卷 寫本

右宋長泰令永嘉徐璣撰字文淵一字致中號靈
淵四靈之二

西巖集一卷 寫本

右宋永嘉翁卷撰字續古一字靈舒四靈之三

清苑齋集一卷 寫本

右宋宗室永嘉趙師秀撰太祖八世孫字紫芝號
靈秀四靈之四振孫云徐照徐璣翁卷趙師秀四
人號永嘉四靈皆晚唐體也惟師秀嘗登科改官
亦不顯

燕堂詩稿一卷 寫本

右宋宗室常熟趙公豫撰

覆瓿集六卷 寫本

右宋宗室東莞趙必瑒撰太宗十世孫字玉淵號
秋曉登咸淳元年進士任南康縣丞文丞相開府

于惠州掾攝惠州軍事判官入元隱溫塘村

石屏集十卷 寫本

右宋黃巖戴復古撰附戴毓東臯集一卷至正戊戌黃師泰序畧云先生詩大約悉本于杜而未嘗有一詞蹈襲之者今其詩傳世已久而又有八君子爲之論著予生也晚復何言哉諸孫文瓚校舊本以圖新刻曾廣其傳今按卷內跋語有浚義趙汝騰荆溪吳子良四明樓鑰盱江包恢東平趙以夫建安真德秀潛丞王楚子文壽峯倪祖義剡劉鏞栗齋鞏豐眉山楊汝明等則不止八君子也

滄浪吟卷二卷 刊本

右宋邵武樵川嚴羽撰第一卷詩辨詩體詩法詩評詩證五則文一首第二卷詩正德庚辰吳郡都穆序稱其論詩精切簡妙不襲故常足以指南後學

文溪集二十卷 刊本

右宋龍圖閣待制吏部番禺李昉英撰字俊明歸隱文溪故名

雪窻文集二卷 舊影寫本

右宋贈宣奉大夫集英殿修撰慈谿孫夢觀撰嘉

靖丁酉餘姚陳瑄序裔孫應奎校刊

可齋雜稿三十四卷續稿八卷續稿後十二卷 寫本

右宋觀文閣學士單懷李曾伯撰咸淳庚午嗣男
杓編

翠微南征錄十卷 刊本

右宋殿前司官貴池華岳撰此錄係岳為武學生
因奏韓侂胄貶建寧獄時所作詩并雜記歲久失
傳近世黃虞稷從史館抄得屬池人郎遂刻之

牧萊脞語二十卷二稿八卷 寫本

右宋長沙陳仁子撰其脞語二十卷署靈山古迂

隙仁子同備述門人李懋宣楊廷輯其二稿八卷
署茶陵古迂陳某門人譚以則伯可輯又蘆陵鄧
光薦序云咸淳天子在位十年取左丞相江文忠
公以湘帥賓興鄉漕士得公甫道甫同甫計闈與
余皆公門生而宋科目亦止此

玉楮詩稿八卷 刊本

棠村詩稿一卷 刊本

右宋淮東總領湯陰岳珂撰嘉熙庚子自序為十
六世孫元聲等重刊

秋崖文稿四十五卷 刊本

右宋朝散大夫祁門方岳撰嘉靖丙戌族裔孫前進士方謙爲之序

秋崖詩稿三十八卷 刊本

右前人撰嘉靖壬寅莆田吳煥章序

秋崖小簡十四卷 寫本

右前人撰

竹溪庸齋十一藁續集三十卷 寫本

右宋興化軍福清林希逸撰劉後村跋云乾淳間林艾軒始好深湛之思加煇煉之功有經歲累月繕一章未就者一傳爲網山林氏再傳爲樂軒陳

氏三傳爲竹溪詩今本爲石塘林同序

汝陽端平詩雋四卷 寫本

右宋陽穀周弼撰寶祐丁巳荷澤李龔和父述云選二百首曰端平詩雋俾萬人海中續芸陳君書塾入梓流行續芸臨安府陳解元書舖之號也

柴氏四隱集三卷 寫本

右宋廸功郎江山柴望知建昌軍柴隨亨察推柴元彪撰按四隱集足本流傳最少向有秀野草堂顧氏本文瑞樓金氏本及今所傳潛采堂朱氏本俱祇秋堂一卷而已惟錢塘吳石倉手鈔本則瞻

姑澤曜二公詩詞在焉秋堂卷中多詩五篇又石
倉從志乘中增入者至吉甫詩文隻字不傳十一
世孫復貞序之詳矣

四明文獻集五卷 寫本

右宋尚書鄞縣王應麟撰按此即從鄭千子四明
文獻摘出非完書

舒文靖集一冊 寫本

右宋教授鄞縣舒璘撰吳焯題云雍正間慈溪鄭
義門過杭以此冊見貽蓋為姚江梨洲黃氏從其
裔孫抄得者

後村居士全集五十卷 知不足齋寫本

右宋學士莆田劉克莊撰係廸功郎新差昭州司
法叅軍林秀發編次淳熙己酉竹溪林希逸序

蒙川遺稿四卷 寫本

右宋學士樂清劉黻撰係弟中山劉應奎成伯校
正

蛟峯集七卷 刊本

右宋兵部侍郎國史修撰淳安方逢辰撰宋亡元
世祖詔起之不赴卒于家

本堂先生文集九十六卷 寫本

右宋著作郎鄞縣陳著撰曾孫煦編次有至大戊申榜下士荆溪蔣巖跋蓋蔣與先生同榜也按集內又有剡學講義云竭來試令必有我師則曾官于剡者原缺六卷

疊山集二卷

刊本

右宋江東制置使弋陽謝枋得撰係里人黃溥所編

格齋三松集一卷

寫本

右宋成都帥幕廬陵王子俊撰字才臣格齋其號也周益公楊誠齋之客今本朱彝尊有跋語

魯齋遺集十二卷

刊本

右宋金華王柏撰初號長嘯後號魯齋受業何北山之門郡守蔡康楊棟名守趙景緯相繼聘主麗澤上蔡兩書院咸淳十年卒

潛齋文集十一卷

刊本

右宋大理寺卿淳安何夢桂撰初名應祈字申甫入元累徵不起築室小酉源以著書爲事今本爲康熙間刻

梅巖文集十卷

刊本

右宋貴池縣尉婺源胡次焱撰字次鼎號梅巖又

名飲學集爲族孫漣所輯後二卷附錄

霽山文集五卷 刊本

右宋從政郎平陽林景熙撰厲鶚曰霽山宋亡不出與王修竹鄭樸翁胡天放輩尋歲晏之盟往來

吳越庚午卒于家

佩韋齋集十六卷佩韋輯聞四卷 寫本

右宋進士玉山愈德鄰撰署太玉山人皇慶壬子

建安熊禾序

桐江續集四十八卷 元刊本

右宋歙縣方回撰卷首有各印曰玉蘭堂曰梅溪

精舍曰蓮涇曰竹垞曰辛夷館曰灌稼村翁曰太

原王叔子藏書記曰季振宜藏書則其書之流傳

爲人愛重可知矣

蘭皋集二卷 知不足齋寫本

右宋休寧吳錫疇撰咸淳七年陸夢發序

陵陽集二十四卷 寫本

右宋大理寺卿湖州牟巘撰端明學士子才之子

元初起教授陵陽州以上元簿致仕當宋亡時已

退不任事子應龍咸淳進士一門父子自爲師友

討論經學以義理相切磨所著陵陽集次子帥府

都事應復所編程端學爲之序

所南文集一卷一百二十圖詩一卷 寫本

右宋連江鄭思肖撰附鄭震清雋集一篇

勿軒集八卷 寫本

右宋司戶參軍建陽熊禾撰至元間許衡序云生平著述甚富厄于兵火鰲峯嗣孫家藏遺稿族孫孟秉類次成帙

湖山類稿五卷水雲集一卷 刊本

右宋錢塘汪元量撰元量以善琴事謝后王昭儀宋亡隨三宮留燕後爲黃冠師南歸往來匡廬彭

蠡間人以爲神仙多圖其像祀之李鶴田跋其類藁云開元天寶之事紀于草堂後人以詩史目之水雲之詩亦宋亡之詩史也其詩亦鼓吹草堂者也

吾汶稿十卷 寫本

右宋廬陵王炎午撰元統二年揭傒斯序

晞髮集六卷 刊本

右宋長溪謝翱撰厲鶚曰翱咸淳中試進士不第丞相文信公開府延平署咨議參軍信公被執後避地浙東在浦江主吳渭家與方鳳吳思齊遊度

浙江採集遺書目錄
卷五
釣臺南地爲文冢名會友之所曰汐社期晚而信
集同好名氏作許劒錄取吳季子意也乙未八月
寓杭終于婦劉氏舍友人方鳳吳思齊輩歸其骨
葬于釣臺從初志也今本爲明隆慶壬申歛凌瑄
序刊

存雅堂遺稿十三卷 刊本

右宋浦江方鳳撰厲鶚曰試太學舉禮部不第特
恩容州文學歸隱仙華山吳渭闢家塾敬事之疾
革命子楞題其旌曰容州示不忘也今本爲同邑
張燧夫輯評順治間刊

玉斗山人集三卷 寫本

右宋教授玉山王奕撰首卷東行斐稿次雜體詩
末卷曲窻如庵記一篇附錄諸名人題咏皆爲明
陳中州批注

月洞吟一卷 寫本

右宋縣尉括蒼王鑑撰厲鶚曰當帝昴播遷棄印
綬歸隱湖山與尹綠波虞君集葉柘山諸人結社
賦詩按宋藝文志載鑑文集二十三卷原集無傳
茲爲前明嘉靖時其族孫養端編者

富山詩集五卷 刊本

右宋淳安方夔撰一名一夔字時佐號知非子生于宋季嘗從何潛齋遊攻舉子業不利于有司退隱富山之麓授徒講學于此

富山遺稿十卷 刊本

右前人撰乃五世孫文傑編

待清軒遺稿一卷 寫本

右宋天台潘音撰字聲甫宋季躬畊不仕築室南洲山中詔徵天下遺逸廉訪使檄贊之行固辭

志道集一卷 寫本

右宋吳中顧禧撰

野趣有聲畫二卷 寫本

右宋新安楊公遠撰字叔明以善畫山水能詩名著于徽詩稿二卷自題曰野趣有聲畫古梅吳龍

翰序又至正下巴盧贊序

客亭類稿六冊 知不足藏宋刊本

右宋江陵楊冠卿撰

陳克齋集十七卷 小山堂藏寫本

右宋上饒陳文蔚撰

象臺耆耋五卷 續鈔堂藏刊本

右宋大理評事胡夢昱撰前三卷自著詩後二卷

附錄

須溪記鈔八卷 刊本

須溪集畧四卷 刊本

右宋廬陵劉辰翁撰少登陵象山之門補太學生
景定壬戌廷試對策賈似道置丙第以親老請濂
溪書院山長荐居史館又除太學博士皆固辭宋
亡隱居卒

古梅遺稿六卷 寫本

右宋歙縣吳龍翰撰字式賢號古梅咸淳鄉貢後
以薦授編校國史院實錄院文字至元丙子鄉校

請充教授尋棄去

石堂遺集二十二卷 刊本

右宋寧德陳普撰字尚德為恂齋韓氏門人韓出
于廣元輔氏蓋考亭的派也宋亡後三辟為本省
教授不起

寧極齋稿一卷 寫本

右宋平江陳深撰附慎獨齋稿一卷字子微宋亡
棄舉子業閉門著書

伯牙琴一卷 知不足齋寫本

右宋錢塘鄧牧撰字牧心與謝翱友善歲丙申至

山陰王修竹延致陶山書院己亥入洞霄止于超
然館住山沈介石爲營白鹿山房居之無疾而化
伯牙琴者雜文稿名也

黃四如集四卷附一卷

刊本

右宋國簿莆田黃仲元撰元至治三禩前進士清
源傳定保序

真山民集一卷

寫本

右書厲鶚跋曰山民自呼山民或云名桂芳括蒼
人宋末進士李生喬嘆以爲不媿乃祖文忠西山
以是知其性真痛值亂亡深自湮沒世無得而稱

焉惟所至好題詠流傳人間張伯子謂爲宋末一
陶元亮云

九華詩集一卷

知不足齋寫本

右宋青陽陳巖撰至大戊申同里方時發序

羅滄洲集五卷

寫本

右宋縣尉永豐羅公升撰大父開禮爲武康教授
德祐間文丞相開府闕廣辟開禮知縣事授安撫
使後兵敗被執不食死公升少有將畧以軍功爲
本邑尉傷大父死節傾資北遊燕趙與宋宗室趙
孟榮諸公圖復宋祚知勢不可爲乃已其集劉辰

翁爲序

仇山村遺集一卷 刊本

右宋錢塘仇遠撰字仁近宋咸淳遺老詩有盛名
吾邱衍不可一世獨推重之舊有金淵集已佚今
爲近人收集零篇而梓之者

興觀集一冊 寫本

右卽前人集暨明瞿佑二家七言近體詩以其俱
錢塘人也合編之者爲佑之侄暹按以上十家千
頃堂書目俱編入元集然考各人皆生宋季而于
元俱無祿位因列於此

四六標準四十卷 刊本

右宋中書舍人直學士院寶章閣待制崇仁李劉
撰號梅亭有詩文類稿此其四六也劉嘗從真德
秀游丐詞科文字畱飲書室指竹夫人爲題曰斲
春縣君祝氏可衛國夫人劉援筆立成未聯云於
戲保抱攜持朕不忘乙夜之寢展轉反側爾尙形
四方之風德秀擊節嘆賞嘉熙己亥四月誕皇子
告廟祝文劉以學士當筆以四柱作一聯云亥年
己月無長蛇封豕之虞午日丑時有歸馬放牛之
兆時方有蜀警人咸賞其中的

耀軒四六一卷 寫本

右宋贈司農少卿仙遊王邁撰字實之號耀軒居士

吳齋四六一卷 寫本

右宋權工部侍郎邵武危昭德撰字子恭有春山集

橘山四六二十卷 刊本

右宋進士於潛李廷忠撰萬歷丁丑曲阿孫雲翼校注

壺山四六一卷 寫本

右書不著撰人姓名按宋時號壺山者有三其一為宋自遜字謙父號壺山方虛谷所謂謁賈似道獲楮幣二十萬以造華居者也其一為徐師仁字存聖所著有壺山集七十卷見于續文獻通考其一則岡潛方大琮號壺山與王耀軒友善見周公謹齊東野語今考集中第一首即除福建漕謝魯平章啓知為方作無疑矣因識于此以俟博覽者
考正焉

郴江百詠一卷 寫本

右宋知袁州舒城阮閱撰有詩話總龜松菊集郴

江百詠其一也宣和甲辰自序云郴古桂陽郡陳迹故事盡載圖史亦間見于名人才士歌咏如杜子美寄聶令入郴州韓退之郴江柳子厚登北樓沈佺期望仙山戴叔倫過郴州之類是也余官于郴三年欲補其缺強作一二小詩積至百篇使未嘗到湖湘者觀之亦可知郴在荆楚自是一佳郡也

華亭百詠一卷

寫本

右宋華亭許尙撰號和光老人生淳熙間蓋取華亭古蹟而咏之者

金陵百詠一卷

寫本

右宋臨川曾極撰字景建布衣也以詩語訕謗謂是州卒又有春陵小雅

嘉禾百詠一卷

寫本

右宋嘉興張堯同撰

斷腸集九卷

元刊本

右宋閩秀錢塘朱淑真撰錢塘鄭元佑爲之注

支離子集一卷

寫本

右宋道士黃希旦撰希旦本樵人棄家爲道士熙寧間尸解去後有見之于蜀者相異以爲神仙士

大夫駭而傳之集有淳祐間方澄孫陳宗禮二序
又附九天彌羅真人支離子傳一篇述之頗詳
白真人集十二卷 刊本

右宋道士閩清葛長庚撰署瓊瑄白先生
鐔津文集二十二卷 刊本

右宋釋藤州契嵩撰卷首列尙書屯田員外郎陳
舜俞所撰行業記宏治己未重刊

參寥子集十二卷 刊本

右宋釋於潛道潛撰晁公武曰與蘇子瞻秦少游
爲詩友其 清麗不類浮屠語

北磻詩集九卷文集十卷 知不足齋寫本

右宋釋潼州居簡撰其詩集載有龍泉葉適與光
孝頭堂禪師札其文集嘉定間張自明誠子序

石門文字禪三十卷 刊本

右宋釋筠州惠洪撰一作洪覺範其文俊偉不類
浮屠語韓駒子蒼爲塔銘云

柳塘外集四卷 刊本

右宋江西饒州薦福寺沙門道璨撰字無文姓陶
氏

別集類四 金元

滏水集二十卷

知不足齋寫本

右金翰林學士滏陽趙秉文撰署閑閑老人其別號也元光癸未臯落楊雲翼爲之引

滏南文集四十五卷

知不足齋寫本

右金延州刺史藁州王若虛撰字從之有欒城李治東明王鶚荆臺冷官胡應龍三序

遺山集二十卷

刊本

右金員外郎太原元好問撰此集與薩天錫集廼賢金臺集顧瑛玉山草堂集宋无翠寒集吟藝集倪瓚雲林集陶宗儀南村詩集張羽句曲外史集

馬臻霞外集係東吳毛晉合刻本崇正戊寅徐爌序今俱著于錄

莊靖集十卷

知不足齋寫本

右金澤州李俊民撰正德戊辰沁水李瀚序云金承安間嘗以經義大魁多士入爲應奉翰林文字勝國初嘗徵入見仍乞還山上重其節而從之

二妙集八卷

知不足齋寫本

右金河東段克己成已撰伯氏克己字復之在金以進士貢金亡廿餘年而卒仲氏成已字誠之在金登進士第主宜陽簿至元間乃卒按二段詩此

爲元本從錢塘汪氏抄得之以全金詩校勘謬誤
特甚益信元本不可廢棄不特多樂府二卷而已
補遺八首得之河汾諸老集中又按曝書亭書目
有段鏞段鐸二妙集今以虞集段氏世德碑考之
鏞鐸爲克己成己五世祖行未嘗有集行世而茲
集二妙之目爲滏水閑閑之所題亦非有所沿襲
知竹垞所藏卽此集其題曰鏞鐸者偶悞耳

湛然居士集十四卷

知不足齋寫本

右元領中書省遼東耶律楚材撰有甲午仲冬晦
日萬招野老行秀中夜秉燭序并癸巳平水冰巖

老人王鄰襄山孟攀鱗二序又明歸有光跋云耶
律文正佐元有開闢天地之功而于禪理超悟如
此余少知耶律晉卿今始識從源真面目也本十
四卷亡其前七卷當竢求之茲爲足本

還山遺稿二卷附錄一卷

知不足齋寫本

右元參議奉天楊奐撰卷首有楊文憲公考歲畧
俱列金世宗章宗各年號蓋先生修家于金治國
于元也嘉靖元年王元凱序謂此集原六十卷久
亡今本係宋廷相訪求二十年僅得此故曰遺稿

藏春集六卷附錄一卷

刊本

右元光錄大夫贈太傅邢州劉秉忠撰至元丁亥
閑復序

水鏡集一卷 寫本

右元溧陽路總管陵川元淮撰正統甲子吉水謝
倬序

淮陽集一卷 寫本

右元蒙古漢軍都元帥河內張宏範撰延祐六年
加封淮陽王謚獻武宏範善馬槊頗能爲歌詩幼
嘗學于郝信使經故屬意文辭爲甚鄧侍郎光薦
曰公天分英特雖觀書大畧率意吐詞往往踔厲

奇偉

魯齋遺書十四卷 刊本

右元國子監祭酒河內許衡撰衡與姚樞竇默同
隱蘇門得程朱遺書日相講習世祖在秦中聞其
名徵授官潯歷祭酒年七十三卒語其子曰我生
平爲虛名所累死後慎弗請謚立碑也

秋澗先生大全文集一百卷 倦圃藏刊本

右元翰林學士承旨汲縣王惲撰惲嘗從學于紫
陽遺山鹿菴神州諸公及壯周旋于單侍講曹南
湖高吏部郝陵川王西溪胡紫山之間天資旣異

師友講習又至博學能文爲當時推重集爲其子翰林待制公孺所編次延祐己未就家取進咨發江浙行省給公帑刊行詳王秉彝及公孺兩後序時秉彝爲嘉興郡守屬郡文學椽羅應龍校刊羅有序

劉文靖公集二十八卷 刊本

右元贊善大夫容城劉因撰卷末附考異不知何人所作

漢泉曹文貞公詩集十卷 刊本

右元資政大夫行中書左丞礪山曹伯啓撰其子

復亨編次曹鑑奉勅撰神道碑附

吳文正公集一百卷 刊本

右元翰林學士崇仁吳澄撰澄嘗作草屋數間題其牖曰抱膝梁父吟浩歌出師表程文憲因題之曰草廬學者稱草廬先生

雪樓集三十卷 刊本

右元翰林學士承旨河內程鉅夫撰卷末識云謄寫始于至正癸卯之春書市余通父筆也前十卷刻而復燬後二十卷寫而未刻洪武辛未春以印本寫本併刻于朱氏之肆未詳識之人姓氏

浙江採集遺書總錄
松雪齋集十卷外集一卷 刊本

右元翰林承旨湖州趙孟頫撰大德戊戌戴表元序

松鄉集十卷 黃松石校寫本

右元湖州安定書院山長句章任士林撰同邑後學孫能傳識云萬歷乙巳春予校閣中藏書有任松鄉先生文集四帙乃元至正四年浙江行中書省舊刻爲記四十一誌銘九首傳六首叙二十一首說引八首賦十八首雜著二十二首詩三百六十八首雜著二十三首凡十卷

剡源集三十二卷

千頃堂書目作三十卷

天一閣寫本

右元教授奉化戴表元撰據別一本無詩止二十六卷宋序云二十八卷萬歷周儀序云三十卷又云獨詩集一部僅備諸體而散落尙繁則知此集流傳卷衷多寡不一茲范氏天一閣所進乃完書也自二十三卷以下增多詩十卷首有楊鏡川題云余嘗得先生手札稿百餘篇多剡源集所未載者又梨洲黃氏有選本花山馬氏刊行疑從此本選出者

湛困集一卷 知不足齋寫本

右元江浙儒學副提舉錢塘白珽撰剡源戴表元序云廷玉詩甚似渡江陳去非而嘗諱言去非又特好記覽每一篇必欲全注于六經之苑披條于百氏之畹宋濂墓誌附于末

在軒集一卷 寫本

右元邵武黃公紹撰俱係文詩一二而已

金仁山文集四卷 刊本

右元金履祥撰附柳貫所著行狀一篇

許白雲集四卷 刊本

右元金華許謙撰 國朝雍正時金孔時所刊

雲峯集十卷 刊本

右元蘭谿學正婺源胡炳文撰正德丁卯三山林瀚序

陳定宇文集十七卷 刊本

右元休寧陳櫟撰 國朝康熙間族孫嘉基校刊

桂隱文集四卷詩集四卷 寫本

右元吉水劉詵撰其詩有至正元年門人羅如篋跋又嘉靖癸亥同邑羅洪先序畧云桂隱劉公當元初時廢科舉抱所長無所于洩自任斯文之重與宋遺老上下倘佯當事力荐不屈既卒賜謚文

敏元雖廢科舉而諡不為限故公以布衣得之
稼村類稿三十卷 刊本

右元提舉江西學事豐城王義山撰正德丙子楊
濂序

杏庭摘稿一卷 寫本

右元休寧尹洪焱祖撰有宋濂危素二序

養蒙先生文集十卷 寫本

右元翰林學士嘉興張伯淳撰字師道稱趙魏公
孟頫為內弟與巴西鄧文原同直詞林情義款洽
文原嘗謂師道為文恥尚鈎棘而春容紆餘鏗乎

如金石之交奏沒後無成稿其子河東宣慰副使
采長孫武康縣尹炯訪求遺逸釐為十卷蜀郡虞
集為序刊之

陳剛中集三卷 刊本

右元翰林待制臨海陳孚撰分觀光稿交州稿玉
堂稿為三卷

巴西集一冊 知不足齋寫本

右元集賢學士兼國子祭酒綿州鄧文原撰句章
任士林曰善之渾厚以和沉潛以潤如清球在縣
明珠在乘

存悔齋稿一卷 寫本

右元江浙儒學副提舉真州龔璠撰宋司農卿漢之子宋亡例遣北上漢行至萃縣不食卒璠悲不自勝因與其弟理刻苦于學戴帥初仇仁近胡汲仲皆與為忘年交聲譽藉甚人稱兩龔以比漢兩龔云

翠寒集一卷 刊本

吟藝集一卷 千頃堂目 刊本 作八卷

右元晉陵宋旻撰自為序并延祐庚申海一粟馮子振序其吟藝集俱咏史詩

純白齋類稿二十二卷 刊本

右元太常博士東陽胡助撰字古愚好讀書蔚有文采臨川吳澄見其詩文大加稱賞致仕卒遺言弗丐人狀其行銘其墓自著純白先生傳

趙寶峯集二卷 知不足齋寫本

右元慈谿趙偕撰字子永宋之宗室也門人烏斯道序畧云先生早歲攻舉子業以不窺聖涯即棄去讀楊文元公書有覺而益致其力見明而守固文不追琢不矯揉皆發乎道心之正非蹈襲乎末世之弊者有六世孫趙文華序跋蓋有玷于先生

者也今去之

梅道人遺墨二卷

寫本

右元嘉興吳鎮撰有同里錢棻題詞

道園學錄五十卷

花山馬氏藏元刊本

右元侍講學士蜀郡虞集撰至正六年歐陽元序云李漢于昌黎子瞻于廬陵皆能知而能言者走豈能為前人役乎第于公有世契故不辭而為之序

道園先生遺稿六卷詩續三卷

季振宜藏寫本

右前人撰朱彝尊跋云凡七百餘篇公之後孫克

用所纂述也其學古錄諸編以刊板行世而此詩實世所罕觀刻

揭文安公文集十四卷

知不足齋寫本

右元學士富州揭傒斯撰門生前進士燮理溥化校錄

揭文安公文粹一冊

寫本

右前人撰

范德機集七卷

寫本

右元福建廉訪司知事清江范梈撰臨川葛離仲穆編次卷一卷二五古詩內雜以排律疑悞其書

署至元庚辰良月益友書堂新刻其校訂者學正
孫存吾也向有歐陽原功蘇天爵諸公序今闕唯
存吳全節後序及諸人題咏

黃文獻公集二十三卷 元刊本

右元侍講學士義烏黃潛撰門人宋濂傅藻同編
圭齋集十六卷 刊本

右元翰林學士承旨瀏陽歐陽玄撰宋景濂序云
公之文自擢第以來多至一百餘冊藏瀏陽里第
盡燬于兵此則在燕所錄七年間所作耳

馬石田文集十五卷 寫本

右元行臺中丞靖州馬祖常撰至元己卯王守誠
序并趙郡蘇天爵陳旅序

金臺集二卷 刊本

右元編修南陽廼賢撰至正壬辰歐陽元序又李
好文黃潛貢師泰三序

薩天錫集三卷外集三卷 刊本

右元河東廉訪經歷雁門薩都刺撰薩都刺者猶
漢言濟善也徐興公曰天錫集成化乙巳交州守
關中趙蘭刻于郡齋得之仁和沈文進家藏舊本
至正集八十一卷 知不足齋寫本

右元中書左丞湯陰許有壬撰無序跋與焦氏經籍志卷帙同

圭塘小稿十三卷別集二卷續集一卷外集一卷季振

宜藏
刻本

右前人撰元中憲大夫弟有孚編續集裔孫頓編外集一卷有目無文宣德間遺佚說見朱禮邱霽二序

圭塘款乃一卷知不足齋寫本

右書鄴陽周伯琦序畧云中丞安陽公謝事歸相州于其第之西二里得康氏廢園薙灌莽剗菑翳

鑿池其中袤廣以步計者千餘深八尺形如桓圭以池之占勝居多故以圭塘名此倡彼和少長同歡遂名其篇曰款乃公季弟都司君自爲之引亦以見安陽一門文物之盛云按此集元詩選專作許有孚似未覈

呂敬夫集六卷寫本

右元崑山呂誠撰分來鶴草堂稿番禺稿旣白軒稿草堂雜錄竹洲歸田稿鶴亭唱和六卷至正七年會稽楊維禎序

順齋閒居叢稿二十六卷澹生堂寫本

右元儒學提舉眉州蒲道源撰男機類編至正十年黃潛序

雲林集十七卷 林氏樸學齋寫本

右元直集賢學士宣城貢奎撰宏治庚戌天台范吉識云奎所著各書甚多永樂間以采書收諸秘府遂失其傳唯此詩集僅藏于家曾孫選部正郎元禮君世其業乃搜諸元大家集中更得律詩若干篇合錄成帙

佩玉齋類稿二冊 知不足齋寫本

右元太常博士上元楊嗣撰至元丙子陳恢序

吳禮部文集二十卷附錄一卷 寫本

右元禮部郎中蘭谿吳師道撰正傳自羈州知學善記覽工詞章發為詩歌才思涌溢嘗與同郡黃晉卿柳道傳友善

存復齋集十卷 刊本

右元儒學提舉吳郡朱德潤撰曾孫發重編虞集題曰澤民文章典雅而理致甚明獨惜以凶事掩其名然識者不厭其多能也又有俞焯序及周伯琦墓銘附

竹素山房集三卷 寫本

浙江採集遺書總錄 壬集

右元錢塘吾邱衍撰字子行本太末人其祖家錢塘嗜古博學工篆籀精音律少左日右足跛而風度特蘊藉對客輒吹洞簫弄鐵如意或援筆製字旁若無人每以郭忠恕自比號貞白處士居生花坊一小樓客至卒莫得登後爲仇家所誣投水死
栲栳山人集三卷 寫本

右元餘姚岑安卿撰黃宗義曰安卿字靜能自號栲栳山人志節自矜唾涕富貴人皆敬之名聞家雖至凋零多藉以自立崛起之輩有不義者惟恐其聞所交皆名士序其詩者宋濂唱和者危素也

嘗有詩云鄰家酒如澠歌管朝夕度此樂非吾知
看書日還慕其胸次如此

月屋漫稿四卷

千頃堂書目作月屋樵吟

知不足齋寫本

右元天台黃庚撰泰定丁卯自序云自科日不行始得脫屣場屋放浪江湖凡生平豪放之氣盡發而爲詩文且歷攷古人沿襲之流弊遂得率意爲之惟吟咏性情講明禮義辭達而已

書林外集七卷

知不足齋寫本

右元翰林院檢閱官鄞縣袁士元撰至正四年臨川危素序謂彥章示余詩百五十首其詞氣清麗

可喜

茶山老人遺集一冊 刊本

右元長興沈貞撰今本為乾隆戊午長興令雲中

鮑鈇訂

此山集四卷 知不足齋寫本

右元松陽周權撰權以四明袁文靖公荐選預館職雅志冲抱垂成而歸延祐庚申袁桷序云衡之詩意度簡遠議論雄武法蘇黃之準繩達騷選之旨趣按今本係陳旅選定者

續軒渠集四卷 寫本

右元莆田洪希文撰其父巖虎宋貢士為興化教諭有集曰軒渠因自號續軒渠集

秋聲集四卷 寫本

右元昭武黃鎮成撰篤志力學不著榮利部使者屢薦之不就其後政府奏授江西儒學副提舉命下而已卒年七十有五號曰貞文處士其集新安鄭潛嘗序之

傲軒集一卷 知不足齋寫本

右元平江胡天游撰初名乘龍以字行附邑人艾科元所作傳

詠物詩一冊 刊本

右元金陵謝宗可撰附明瞿佑 國朝張劬二家

為康熙間嘉興賀光烈序刊

安雅堂集十三卷 知不足齋寫本

右元國子監丞莆田陳旅撰至正己丑河東張翥

序謂中山之序柳州白傳之序江夏友義之重古

今所同因顛之請乃書而冠之首

五峯集十卷 知不足齋寫本

右元秘書監丞樂清李孝先撰據千頃堂書目作

雁峯文集二十卷

清江碧嶂集一卷 刊本

右元清江杜本撰此係毛晉附刻谷音後者

圭齋先生集二卷 知不足齋寫本

右元漕司提舉惠安盧琦撰明隆慶壬申朱一龍

序云公文乃元陳誠中所編為圭峯集與公之子

昂所次為平陽集欲鏤梓而未就者今合而得此

蛻菴集五卷補遺一卷 知不足齋寫本

右元翰林學士承旨晉寧張翥撰豫章沙門釋蒲

菴來復序云河東仲舉張公以詩自任五十餘年

造語命意一字未嘗苟至正丙午春其方外友廬

陵北山杼禪師以公手稿選次而刊行之

經濟文集六卷 寫本

右元翰林學士承旨新野李士瞻撰此集爲國子監丞孫仰編次附錄孤子守誠等墳志陳祖仁行狀又宏治辛亥胡拱辰序畧云集中所計僅百十有六篇元史載順帝時公爲樞密所上時政二十條載其目不載其文觀其目知其文矣

傅與礪文集十一卷附錄一卷詩集八卷 寫本

右元新喻傅若金撰文集爲其弟若川次舟編刊詩集有范醇揭傒斯虛集三序濟南王士正跋云

若金歌行頗得子美一鱗半甲七律亦有格調視南宋俚俗之體相遠矣康熙己巳借竹垞太史宋元人抄本詩集數種讀此如黃茅白葦間忽遇嘉樹美箭爲之眼明

居竹軒詩集四卷 知不足齋寫本

右元蕪城成廷珪撰臨川危素序云成君原常隱居廣陵不出求仕其所與游多至尊顯亦莫有薦用之者

侯菴文集三十卷 刊本

右元安仁李存撰永樂三年徐旭序其臨川危素

所作墓誌附

葯房樵唱三卷

知不足齋寫本

右元蘭谿吳景奎撰附錄一卷至正宋濂序其黃

潛所作墓誌附

鹿皮子集四卷

季振宜藏刊本

右元東陽陳樵撰正德戊寅慈谿周旋序

檜亭集九卷

知不足齋寫本

右元天台丁復撰稿目分前集續集至正庚辰永

嘉李孝光序

梅花字字香二卷

鹽官吳氏藏寫本

右元郭豫亨撰

可傳集一卷耕學齋詩集十二卷

寫本

右元崑山袁華撰與鐵崖諸公唱和曾編玉山紀

遊詩

南村詩集四卷

刊本

右元天台陶宗儀撰

滄浪權歌一卷

刊本

右前人撰正德丁丑提學雲間唐錦序評

靜春堂詩集四卷

寫本

右元長洲袁易撰易嘗為石洞書院山長

玉井樵唱三卷 知不足齋寫本

右元教授遂昌尹廷高撰其父竹坡當宋季以能詩稱廷高遭亂轉徙宋亡二十年始歸故鄉嘗掌教于永嘉秩滿至京謝病歸

禪山存稿一卷 寫本

右元吳江蕭國寶撰至正辛未孔濤序

青陽集六卷 刊本

右元贈淮南江北等處行中書省平章政事合淝余闕撰闕守安慶陳友諒來攻城陷死之諡忠宣顧嗣立曰廷心留意經術為文有氣魄能達其所

欲言詩體尚江左高視鮑謝徐庾以下不論也

師山文集八卷遺文五卷 刊本

右元待制歙縣鄭玉撰附濟美錄四卷備載鄭氏

家世事蹟

所安遺集一卷 知不足齋寫本

右元龍泉簿茶陵陳泰撰延祐初與歐陽元同舉于鄉以天馬賦得薦考官評曰氣骨蒼古音節悠然天門洞開天馬可以自見矣其集為曾孫朴所

編

友石山人遺稿一卷 知不足齋寫本



右元潮州路總管靈武王翰撰初名那木罕年十六領所部有能名省府交薦之陳有定據守全閩表授官後陳氏敗浮海抵交占界不果屏居永福之觀獵山自號友石山人尋辟書再至歎曰女豈可更適人哉賦詩見志遂自引決年四十六
闕過齋集八卷 寫本

右元閩縣吳海撰洪武戊寅門人靈武王偁編玩齋文集十卷 刊本

右元禮部尚書秘書卿宣城貢師泰撰前載年譜及揭汝撰碑并楊維禎俞謝肅錢用壬王偉序末

附拾遺一卷

近光集三卷

知不足齋寫本

右元江南行御史臺侍御史鄱陽周伯琦撰附扈從紀行集一卷

雲陽先生集十卷

刊本

右元江浙儒學副提舉茶陵李祁撰字希遠又字一初成化間族孫東陽校刊

雲松巢詩集十卷

寫本

右元贈朝列大夫樂清朱希晦撰天台鮑宏原章
阮撰序

東維子集三十卷

刊本

右元儒學提舉會稽楊維禎撰維禎會兵亂避地富春山徙錢塘張士誠招之不往又忤達識丞相自蘇徙松明洪武二年召修禮樂書維禎謝曰豈有八十歲老婦就木不遠而再理嫁者耶賦老客婦詞以進賜安車詣闕以白衣乞骸骨放還卒年七十有五

麗則遺音四卷

寫本

右前人撰至正壬午自序謂少年學賦嘗私擬數十百題不過應場屋一日之敵既而誤爲有司所

采近至錢塘又有以舊所製梓于書坊且過以則名而吾同年黃子肅君又贅以評語蓋當年坊行本也

玉笥集十卷

周櫟園藏寫本

右元會稽張憲撰成化五年劉鈺序

灤京百詠一卷

寫本

右元吉水楊允孚撰成化丁酉羅燥識云讀之當時事宛然如見楊文貞家有錄本燥嘗借錄于表叔司務公錄時草草此本則舍弟璋爲予重錄者

江月松風集十二卷

知不足齋寫本

右元儒學副提舉錢塘錢惟善撰至元戊寅陳旅序

海巢集三卷 寫本

右元西域丁鶴年撰

雲林詩集二卷說學齋稿二冊 知不足齋寫本

右元學士臨川危素撰隆慶辛未括蒼山人恭煥識云震川歸師曾向余覓危太樸文不得後偶檢元集乃獲此實先文莊抄存題曰危翰林文

林屋山人漫稿一卷 寫本

右元長洲俞琰撰

拱和詩集一卷 知不足齋寫本

右元古婺曹志撰

弁山小隱吟錄二卷 知不足齋寫本

右元慈谿黃玠撰至正乙酉自序

僑吳集十二卷 倦圃藏刊本

右元儒學教授遂昌鄭元祐撰至正庚子謝徽序云嘗以文師承于金華石塘胡公剡源戴公今本為宏治丙辰吳下張習刊有跋

夷白齋稿三十五卷外集一卷 知不足齋寫本

右元江浙行省郎中臨海陳基撰金華戴良編

可閒老人集二卷 知不足齋寫本

右元樞密院判官廬陵張昱撰正統元年同郡楊士奇序云先生少事虞文靖公得詩法張潞公翥最先知之予近從給事中夏時得其五七言古近體一帙以授其外孫浮梁縣丞時昌俾刻之按今抄上卷八十八翻下卷七十九翻疑非編次原本

靜思集二卷 刊本

右元郭鈺撰鈺壯年盛氣負奇適當元季之亂際明興以茂才徵不就年逾六十竟以貧死

竹齋集三卷續集一卷 知不足齋寫本

右元諸暨王冕撰元章嘗用會稽外史章見王弁州續稿跋梅竹雙清卷景泰丙子郡人白圭書云是集之傳先生曾孫壻駱大年編

九靈山房集三十卷 刊本

右元儒學提舉浦江戴良撰今本爲近時其裔孫所刻吳城爲之序

梧溪集七卷 知不足齋寫本

右元江陰王逢撰至正己亥周伯琦書云原吉中年築草堂于松之青龍江上追維大母徐夫人嘗手植雙梧于故里橫河之上今世遠地殊因自號

梧溪子示不忘也今本從錢顧二選本校過者

樵雲獨唱五卷 寫本

右元金華葉顥撰字景南少壯有志事功未嘗干
謁人罕知者晚遭元季之亂結廬城山東隅名其
地曰雲顥自號雲顥天民自序所作詩以為薪桂
老而雲山高寒音調古而寒谷絕響故名之曰樵
雲獨唱長孫雍編次成帙曾孫洪重刻之安邱袁
凱為之序

南湖集二卷 刊本

右元閩理官宣城貢性之撰四世孫欽序

陳子上存稿六卷 刊本

右元平陽陳高撰眉山蘇伯衡序云子上以親老
欲取慶元路錄事南還赴任未幾輒自免去擅兵
柄而倔強州郡間者爭致子上用之卒不為用最
後總戎其州者必欲勝致之子上遂棄妻子南至
于閩北至于懷慶尋卒

黃楊集二卷補遺一卷 刊本

右元無錫華幼武撰九世孫允誠序刻

石初集十卷 知不足齋寫本

右元安成周霆震撰門生僉事廬陵晏瑩編王士

浙江採集遺書總錄
正跋云周處士詩雜文各五卷七言歌行如金城
豫章溇陽諸篇可以庀史近體朴直文詞亦不甚
洗錄

雲林詩集六卷外集詩一卷

刊本

右元無錫倪瓚撰其先世以貲雄一郡元鎮不事
生產強學好修刻意文史所居有雲林堂蕭閒館
清閱閣諸勝至正初盡斥賣其田產得錢以與貧
交疎族兵興富家多被剽掠人乃服其先識明洪
武初始還鄉里時年七十有四矣

玉山名勝集十冊

寫本

右元諸名人題贈顧仲瑛草堂名勝詩也附玉山
璞稿一卷外集一卷至正間黃潛李祁序仲瑛有
園池別墅治屋廬其中名其前之軒曰釣月中之
室曰芝雲東曰可詩齋西曰讀書舍後累石爲山
山前之亭曰種玉登山而憩注者曰小蓬萊山邊
之橋曰小游仙最後之堂曰碧梧翠竹又見湖光
山色之樓過浣花之溪而草堂在焉所謂柳堂春
隱莊者又其東偏之景也臨池之軒曰金粟影合
而稱之曰玉山佳處凡四方士夫及釋子仙客至
別與之晉接列坐而賦記序雜文歌行長短諸體

靡所不有卽以玉山之誌榜顏屋者分題列于每卷以類相從哀次成帙

玉山草堂集二卷 寫本

右元崑山顧瑛撰卽仲瑛也元統癸酉浙東李祁序

玉山草堂雅集十三卷 知不足齋寫本

右前人類編

太平金鏡策八卷 刊本

右元布衣東平趙天麟撰皆時務策也係天麟經進之本前另有筌策秘訣十二條劉錦文跋云右

一十二條不知何人所撰相傳以為貢士曾堅子

白之所編本堂茲因刊刻佐谿氏策學提綱東平趙氏金鏡策故用輯于卷首願與有志者快覩之

署至正己丑建安日新堂誌劉錦文書坊人也

林外野言二卷 知不足齋寫本

右元崑山郭翼撰有會稽楊維禎序

北郭集六卷 寫本

右元江陰許恕撰字如心曾以薦為澄江書院山長後附子節孫輅詩洪武乙丑天台林右序

艮齋詩集十四卷 知不足齋藏元刊本

右元真定侯充中撰字正卿幼喪明聆羣兒誦書
不終日能悉記所授著大易通義年九十餘而卒
惟實集八卷 刊本

右元提舉永豐劉鶚撰

貞素齋集八卷 知不足齋寫本

右元台州學正績溪舒頤撰裔孫新蔡學諭朝陽
編次嘉靖庚子知績溪縣遂寧趙春付梓并序

劉仲修山陰集八卷 寫本

右元清江劉永之撰永之明初首召至京師洪武
壬戌梁寅序

環谷集八卷 刊本

右元祁門汪克寬撰字仲裕嘗從雲峯胡炳文學
泰定丙寅中浙江鄉試次年會試論春秋與主司
不合遂見斥南歸篤志著述以所居山谷環遶稱
曰環谷故以名集

龜巢稿二十卷 知不足齋寫本

右元武進謝應芳撰有目無序間以四朝詩校之
畧有異同如踏婦歌作踏婦謠字句有潤刪者

山窻餘稿一卷 寫本

右元餘干甘復撰成化丙子邑人劉憲序謂保寧

節推張君敬先得之闕中學論趙君時用因刻之以傳其文根據道理冲融閑雅灑然山林氣象詩則俊逸清奇凌駕鮑謝

望雲集五卷 寫本

右元淮南郭奎撰

白雲稿五卷 寫本

右元臨海朱右撰原十卷今缺後五卷有至元至正間李孝光張天英危素倪中楊翮劉仁本六序又宋濂一序稱右著述甚多所謂書傳發揮春秋傳類編三史鈞元素漢文衡深衣考邾子世家元

詩補遺皆不在集中

天籟集二卷 寫本

右元白璞撰

一山文集九卷

右元翰林檢討東安李繼本撰

桐山老農集一冊 寫本

右元開化魯貞撰

山中白雲詞八卷 刊本

右元臨安張炎撰係自著詞稿末附樂府拾遺近上海曹氏新刻足本也凡三百餘闕有炎同時舒

岳祥仇遠陸文奎鄭思肖及明井時殷重諸人序
跋俱合刻焉錢塘龔氏又別有刻本

蘭雪集二卷 知不足齋寫本

右元閨秀松陽張玉孃撰附錄一卷王詔傳云玉
娘有殊色敏惠絕倫能文章工詩自以班大家比
侍兒二人冢紫娥副霞娥皆有才色所畜鸚鵡亦
辨慧號曰閨房三清笄字沈生佺佺早死玉娘不
食而殞

蕭離集一卷 刊本

右元閨秀吳郡鄭允端撰至正壬寅錢維善序

霞外詩集十卷 刊本

右元道士錢塘馬臻撰少慕陶貞白之為人著道
士服隱于西湖之濱大德中嗣天師張與材至燕
京行內醮名流並集虛中在焉未幾辭歸手回桑
乾龍門二圖傳于世

句曲外史集三卷外集一卷補遺三卷 刊本

右元道士錢塘張羽撰吳郡徐良夫序其詩曰虞
范諸君子以英偉之才諧鳴于館閣而流風餘韻
播諸邱壑之間外史以豪邁之氣孤鳴于邱壑而
清聲雅調聞諸館閣之上雖出處不同其為詞章

之宗匠一也

白雲集三卷

知不足齋寫本

右元釋錢塘英實存撰至元壬辰牟燾序附栢堂

山居詩四十首

東臯錄一卷

寫本

右元釋吳郡妙聲撰

山林清氣集一卷

寫本

右元釋錢塘德靜撰

夢觀集二十四卷

刊本

右元釋晉江大圭撰

筠溪牧潛集七卷

刊本

右元釋高安圓至撰華山釋明河訂毛晉刻有崇

正己卯序

蒲室集十五卷

寫本

右元釋大訢撰字笑隱其集虞邵菴序

桐嶼詩集四卷

寫本

右元釋錢塘德祥撰

